

我能降伏 猶如山巖 如是猛象 化爲弟子
及其眷屬 我皆降伏 而不能伏 無常之力
我於諸論師 及與諸外道 以正法共論
皆悉不如我 異趣諸衆生 化令爲弟子
而不能降伏 無常之大力 我見貪欲縛
瞋恚及愚癡 如此愚冥法 皆已得除滅

然大智慧燈 照於三千界 而不能降伏
無常之大力 降伏天魔王 及與諸兵衆
壞於大盲冥 照以正法光 亦降諸論師
及諸占相者 而不能降伏 無常之大力
爾時尊者阿難前白佛言善哉世尊善能分
別解說此法當何名此經云何奉持之佛言

此經名爲除諸憂惱汝應受持一名會諸佛
前亦名如來所說示現衆生應當受持佛告
阿難於後世中有善男子善女人受持如來
所說示現衆生經者於七生中自識宿命毒
不能害火不能燒水不能漂不墮地獄餓鬼
畜生八難之處捨此身已生弥勒前得在弥

勒第一會中佛說此經已阿難及諸大衆天
龍夜叉乾闥婆阿脩羅迦樓羅緊那羅摩睺
羅伽人非人等聞佛所說歡喜奉行
須摩提長者經

長者子懊惱三處經

無七

八

蔣

無七

八

蔣

後漢三藏安世高譯

聞如是一時佛在舍衛國祇樹給孤獨精舍
與大比丘衆千二百五十人俱尔時舍衛城
有大長者財富無數田宅牛馬不可稱計家
無親子其國俗法若無子者壽終之後財沒
入官長者夫婦禱祀諸天日月星辰求索子
息豎立門戶亦不能得時長者婦歸命三寶
奉受五戒晨夜精進不敢懈怠便得懷妊婦
人點者有五事應一者知夫婿意二者知夫
婿念不念三者知所因懷軀四者別知男女
五者別善惡是長者婦報長者言我已懷軀
長者歡喜日日供養衣被飯食極使精細十

月已滿便生得男五乳母共供養子乳者哺者洗浴者衣被者抱持者兒即長大季十五六長者夫婦為子索婦得長者女端正姝好於城外園館大請人客飯食娛樂饍饌精細四方來者無所拒逆如是賓客至于七日時兒夫婦遊行園中有樹名曰無憂其上有華

色甚鮮好如若緋色婦語夫言欲得此華夫便上樹為取此華樹枝細小即時摧折兒便墮地斷絕而死父母聞之知墮樹死便走奔趣母抱其頭父抱其脚摩掌瞻視求絕不穌父母悲哀五內摧傷眾客見之亦代哀痛死何急疾眾客飲食娛樂未畢而反墮樹死亡

無七

九

無常時佛世尊與阿難俱著衣持鉢入城分衛見長者夫婦獨有一子而墮樹死啼哭悲傷甚不可言佛見此兒所從來生從忉利天壽命終盡過生於長者家死即生龍中金翅鳥王復取食之三處悲哀悉共發喪佛告阿難詣長者所解喻其意為除其患設不爾者

恐愁憂死阿難言唯然即從佛行到長者所長者聞佛來到其所心即歡喜稽首佛足佛問長者何為愁憂乃如是乎長者白佛我身無相因有一子為其娶婦請客飲食娛樂未畢上樹取華墮地便死我身如石心如剛鐵適得一子而捨我死佛告長者人生有死物

成有敗對至命盡不可避藏捐去憂念勿復憂感時佛出光明徧照十方使長者見天上龍中父母啼哭佛語長者此兒本從忉利天上壽盡命終來生卿家壽盡便生龍中金翅鳥王即取噉之三處一時共啼哭為是誰子佛即說偈言

天上諸天子 為是卿子乎 為在諸龍中
 龍神之子耶 時佛自解言 非是諸天子
 亦非為卿子 復非諸龍子 生死諸因緣
 無常譬如幻 一切不立 譬若如過客
 佛語長者死不可得離去事不追長者白佛
 言此兒宿命罪福云何生豪富家其命早夭

此爲何應佛言此兒前世好喜布施尊敬於人緣此福德生豪富家喜射獵戲傷害羣生用是之故令身命短罪福隨人如影隨形長者聞是及一切衆皆有慈心發大道意應時踊躍速得法忍佛說如是長者夫婦一切衆會皆歡喜受

長者子懊惱三處經

捷陀國王經

後漢三藏安世高譯

聞如是一時佛在舍衛國祇樹給孤獨園與千二百五十比丘俱時有國王號名捷陀奉無七

事婆羅門婆羅門居在山中多種菓樹時有採樵人毀敗其菓樹婆羅門時見之便將詣王所言是人無狀殘敗我菓樹王當治殺之王敬事婆羅門不敢違之即爲殺敗樹者自後未久有牛食人稻其主逐捶之牛折其一角血流被面痛不可忍牛徑到王所白言我

實無狀食此人少稻今爲其見捶折我角稻主亦追到王所王曉鳥獸語告牛言我當爲汝治殺之牛即報言今雖殺此人亦不能令我不痛但當約勒後莫取人如我耳王便感念言我事婆羅門但坐菓樹令我殺人不如此牛也便呼婆羅門問言今事此道有何福

乎婆羅門報言可得獲災致福富貴長壽王復問言可得免於生死不報言不得免於生死也王獨念言當用此道爲事便勅羣臣嚴駕往到佛所五體投地爲佛作禮白言我聞佛道至尊巍巍教化天下所度無數願受法言以自改操佛即授王五戒十善爲說一切

天地人物無生不死者王以頭面著地爲禮白佛言今奉尊法戒當得何福佛言布施持戒現世得福忍辱精進一心智慧者其福無量後生天上亦可得作遮迦越王亦可得無爲度世之道佛即爲王現相好威神光耀王即歡喜意解便得須陀洹道阿難整衣服頭無七